

Nacrt deklaracije NSRS protivan temeljnim odredbama Mirovnog sporazuma

Visoki predstavnik Valentin Inzko danas je pozvao poslanike u Narodnoj skupštini Republike Srpske da pokažu privrženost Daytonskom mirovnom sporazumu tako što će se suzdržati od usvajanja deklaracije kojom se negira autoritet Ustavnog suda Bosne i Hercegovine.

Nacrt deklaracije, koja treba biti razmatrana na sutrašnjoj sjednici Narodne skupštine RS, posebno zabrinjava, jer se njome izražava namjera neprovođenja predstojeće odluke Ustavnog suda u predmetu koji se tiče Zakona o praznicima RS, kao i da se preispitaju ranije donesene odluke Ustavnog suda BiH. Ovim se izravno krši Ustav BiH, sadržan u Aneksu 4 Daytonskog mirovnog sporazuma, koji izričito navodi da su odluke Ustavnog suda BiH “konačne i obvezujuće”.

Osim toga, nacrt deklaracije predstavlja izravno osporavanje neovisnosti Ustavnog suda BiH, utoliko što predstavlja neprihvatljiv pokušaj Narodne skupštine RS da vrši politički pritisak na sud u odlučivanju u određenom predmetu.

Takvi postupci pokreću ozbiljna pitanja u vezi sa spremnošću organa RS na poštivanje osnovnih načela vladavine prava, što je u samom središtu Ustava BiH i Dejtonskog mirovnog sporazuma.

Ustavni sud je jedina institucija Bosne i Hercegovine koja ima mogućnost rješavanja sporova između institucija BiH i različitih razina vlasti i u velikoj je mjeri pridonijela provođenju Daytonskog mirovnog sporazuma i unapređenju vladavine prava u Bosni i Hercegovini.

Međunarodna zajednica je u više navrata podsjećala vlasti na

njihovu ustavnu obavezu da provode sve odluke Ustavnog suda. Poštivanje vladavine prava i pridržavanje odredbi Daytonskog sporazuma, a posebno ustavnog i pravnog okvira Bosne i Hercegovine, predstavlja preduvjet za stabilnost i razvoj Bosne i Hercegovine.